

“BENCANA ALAM: SUATU UJIAN DAN PERINGATAN DARIPADA ALLAH S.W.T.”

(Tarikh Masihi/ Tarikh Hijri)

الحمد لله الذي جعل الأرض قراراً ومهاداً، وجعل السماء سقفاً محفوظاً، وخلق كل شيء فقدره تقديراً، وأحاط بكل شيء علماً، وأحصى كل شيء عدداً. وأشهد أن لا إله إلا الله وحده لا شريك له، له الخلق والأمر وهو على كل شيء قدير. وأشهد أن محمداً عبد الله ورسوله، وصفيه وخليفه، وخيرته من خلقه، الذي بلغ الرسالة، وأدى الأمانة، ونصح الأمة، وتركنا على المحجة البيضاء ليلها كنهارها لا يزيغ عنها إلا هالك، اللهم صل وسلم على سيدنا وحبينا محمد، وعلى آل بيته الطيبين الطاهرين، وعلى أزواجه أمهات المؤمنين، وعلى أصحابه والتابعين، ومن تبعهم بإحسان إلى يوم الدين، وسلم تسليماً كثيراً.

أَمَّا بَعْدُ، فَيَا أَيُّهَا الْمُؤْمِنُونَ، اتَّقُوا اللَّهَ، أَوْصِيكُمْ وَإِيَّايَ بِتَقْوَى اللَّهِ جَلَّ وَعَلَا، فَقَدْ فَازَ الْمُتَّقُونَ. قَالَ اللَّهُ تَعَالَى:

﴿يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ﴾

Maksudnya: “Wahai orang-orang yang beriman! Bertaqwalah kamu kepada Allah dengan sebenar-benar taqwa, dan janganlah sekali-kali kamu mati melainkan dalam keadaan Islam” (Surah ali-Imran: 102).

SIDANG JEMAAH YANG DIRAHMATI ALLAH,

Marilah kita meningkatkan ketakwaan kepada Allah SWT dengan bersegera melakukan segala suruhan dan perintah-Nya serta menjauhi segala larangan dan tegahannya. Pasakkan diri dengan keimanan, hiasilah diri dengan ketakwaan. Mudah-mudahan kita dijauhkan oleh Allah SWT daripada azab siksaan api neraka yang tidak terperi sakitnya.

Mimbar mengajak jemaah sekalian, marilah kita bersama-sama menginsafi dan menghayati khutbah yang akan disampaikan pada hari ini dengan tajuk **“Bencana Alam: Suatu Ujian dan Peringatan Daripada Allah SWT”**.

PARA TETAMU YANG DIKASIHI ALLAH

Baru-baru ini, kita digemparkan dengan bencana alam berbentuk taufan yang dipanggil sebagai Taufan Lekima yang telah berlaku di negara kita. Jabatan Meteorologi Malaysia (MetMalaysia) telah mengesahkan kejadian ribut serta hujan lebat di beberapa negeri utara tanah air pada 6 Ogos 2019 yang lalu disebabkan ekor Taufan Lekima yang membadai timur negara China.

Ketua Pengarah Jabatan Meteorologi Malaysia, Jailan Simon, berkata, garis badai iaitu garisan ribut petir akibat tumpuan angin barat daya dan barat laut di tengah laut berpunca daripada ribut tropika yang berlaku di timur China. Di selatan Thailand berlaku tumpuan angin menyebabkan garis badai ini. Ia bergerak daripada barat laut ke arah tenggara dan mengenai beberapa kawasan di Kedah dan Langkawi. "Kelajuan yang dicatatkan setakat ini 28

meter per saat bersamaan 100.8 kilometer sejam.

Hujan lebat dan angin kencang melanda beberapa tempat di Pulau Pinang, Perlis, Kedah, dan beberapa negeri lain mengakibatkan banyak kejadian pokok tumbang dan bumbung diterbangkan angin, selain kerosakan fizikal terhadap kemudahan awam dan menjejaskan lalu lintas.

Akibat daripada kejadian ribut dan angin kencang ini, sebanyak 9 masjid di seluruh Kedah dilaporkan rosak pada bahagian bumbung dan kubah rosak selain beberapa sekolah dan Institusi Pendidikan di negeri-negeri terjejas seperti Perlis, Kedah, Pulau Pinang, Perak, Selangor, Pahang dan Terengganu yang mengalami kerosakkan akibat dilanda Taufan Lekima. Berdasarkan rekod, anggaran jumlah kerosakan akibat Taufan Lekima ini adalah sebanyak RM60.2 juta.

Oleh itu, kita menzahirkan rasa simpati atas musibah ini dan merakamkan ucapan takziah kepada seluruh ahli keluarga mangsa yang terlibat. Sesungguhnya ia merupakan ujian dan ketentuan takdir Allah SWT buat hamba-Nya yang lemah dan tidak mampu untuk menghalangnya, sebagaimana firman-Nya dalam surat At-Taubah ayat 51:

﴿قُلْ لَنْ يُصِيبَنَا إِلَّا مَا كَتَبَ اللَّهُ لَنَا هُوَ مَوْلَانَا وَعَلَى اللَّهِ فَلْيَتَوَكَّلِ الْمُؤْمِنُونَ﴾

Maksudnya: *“Katakanlah: Tidak sekali-kali akan menimpa Kami sesuatu pun melainkan apa yang telah ditetapkan Allah bagi kami. Dialah Pelindung kami, dan (dengan kepercayaan itu) maka kepada Allah jualah hendaknya orang yang beriman bertawakal”* (Surah At-Taubah: 51).

HADIRIN YANG DIRAHMATI ALLAH SEKALIAN,

Jabatan Meteorologi Malaysia melalui siaran media bertarikh 22 Oktober 2019 telah memaklumkan bahawa Permulaan Monsun Timur Laut dijangka bermula pada 24 Oktober 2019 sehingga Mac 2020. Dalam tempoh ini, sebanyak 4 hingga 6 episod hujan lebat dijangka berlaku di negeri Kelantan, Terengganu, Johor dan beberapa negeri di Pantai Barat Semenanjung Malaysia pada fasa awal Monsun Timur Laut dan episod hujan lebat ini diramal akan beralih ke negeri Sarawak dan Sabah pada Januari hingga Mac 2020.

Menurut Jabatan Meteorologi lagi, pada Monsun Timur Laut ini hujan lebat berterusan untuk tempoh beberapa hari dijangka akan berlaku. Ia boleh mengakibatkan kejadian banjir di kawasan yang sering berlaku bencana banjir terutamanya di kawasan yang berkedudukan rendah dan berdekatan dengan lembangan sungai. Kejadian banjir diramal akan bertambah buruk sekiranya hujan lebat ini berlaku serentak dengan kejadian air pasang.

Peristiwa bencana alam seperti banjir dan ribut taufan sebegini merupakan peringatan daripada Allah SWT kepada makhluknya agar bermuhasabah tentang diri masing-masing. Dalam al-Quran, Allah SWT menceritakan banyak tamadun umat manusia dimusnahkan oleh Allah SWT melalui bencana alam, antaranya kaum Nabi Nuh dimusnahkan dengan banjir, kaum Nabi Lut dimusnahkan dengan gempa bumi dan kaum 'Ad dimusnahkan dengan ribut taufan tujuh hari tujuh malam.

Jelasnya, bencana alam yang memusnahkan kaum-kaum tersebut adalah kerana hukuman Allah SWT atas kekufuran dan kemungkarannya mereka. Firman Allah SWT dalam surah al-Ankabut ayat 40:

﴿فَكُلًّا أَخَذْنَا بِذَنْبِهِ ۖ فَمِنْهُمْ مَّنْ أَرْسَلْنَا عَلَيْهِ حَاصِبًا وَمِنْهُمْ مَّنْ أَخَذَتْهُ الصَّيْحَةُ وَمِنْهُمْ مَّنْ خَسَفْنَا بِهِ الْأَرْضَ وَمِنْهُمْ مَّنْ أَغْرَقْنَا وَمَا كَانَ اللَّهُ لِيُظْلِمَهُمْ وَلَكِنْ كَانُوا أَنْفُسَهُمْ يَظْلِمُونَ﴾

Maksudnya: “Maka masing-masing Kami binasakan dengan sebab dosanya, iaitu antaranya ada yang Kami hantarkan angin ribut menghujannya dengan batu; dan ada yang dibinasakan dengan letusan suara yang menggemparkan bumi; dan ada yang Kami timbuskan dia di bumi; dan ada pula yang Kami tenggelamkan di laut. Dan (ingatlah) Allah tidak sekali-kali menganiaya mereka, akan tetapi merekalah yang menganiaya diri sendiri” (Surah Al-Ankabut: 40).

Peringatan ayat Allah SWT perlu menjadi pengajaran bagi kita bahawa akibat daripada kekufuran dan perbuatan maksiat yang dilakukan, akan menjadi penyebab datangnya kemurkaan Allah SWT. Perlu difahami bahawa bencana alam juga boleh berlaku disebabkan daripada kesilapan dan kerakusan manusia kerana mengejar kemewahan dunia. Allah SWT telah mengingatkan di dalam surah ar-Rum ayat 41:s

﴿ظَهَرَ الْفَسَادُ فِي الْبَرِّ وَالْبَحْرِ بِمَا كَسَبَتْ أَيْدِي النَّاسِ لِيُذِيقَهُمْ بَعْضَ الَّذِي عَمِلُوا لَعَلَّهُمْ

Maksudnya: “Telah timbul berbagai kerosakan dan bala bencana di darat dan di laut dengan sebab apa yang telah dilakukan oleh tangan manusia; (timbulnya yang demikian) kerana Allah hendak merasakan mereka sebahagian dari balasan perbuatan-perbuatan buruk yang mereka telah lakukan, supaya mereka kembali (insaf dan bertaubat)” (Surah Ar-Rum: 40).

Allah SWT juga akan menguji hambanya melalui bencana, malapetaka, kesusahan dan kepayahan bagi melatih kesabaran serta memperteguhkan keimanan dalam melaksanakan perintah dan menjauhi larangannya. Hal ini berdasarkan Firman Allah dalam Surah al-Baqarah ayat 155-156:

﴿وَلَنَبْلُوَنَّكُمْ بِشَيْءٍ مِّنَ الْخَوْفِ وَالْجُوعِ وَنَقْصٍ مِّنَ الْأَمْوَالِ وَالْأَنْفُسِ وَالثَّمَرَاتِ وَبَشِّرِ الصَّابِرِينَ

الَّذِينَ إِذَا أَصَابَتْهُمُ مُّصِيبَةٌ قَالُوا إِنَّا لِلَّهِ وَإِنَّا إِلَيْهِ رَاجِعُونَ﴾

Maksudnya: “Demi sesungguhnya! Kami akan menguji kamu dengan sedikit ketakutan, kelaparan, dan kekurangan dari harta benda dan jiwa serta hasil tanaman. Dan berilah khabar gembira kepada orang yang sabar. Orang yang apabila mereka ditimpa oleh sesuatu kesusahan, mereka berkata: Sesungguhnya kami kepunyaan Allah dan kepada-Nyalah kami kembali” (Surah al-Baqarah: 155-156).

Bencana alam merupakan fitrah alam yang tidak dapat dihalang oleh manusia. Ia bukan sahaja mengakibatkan kerosakan harta benda malah

turut mengorbankan nyawa manusia. Lebih memilukan, terdapat mangsa tragedi bencana mengalami trauma daripada peristiwa tersebut. Oleh itu, sebagai umat Islam kita perlu menyedari bahawa bencana alam boleh jadi ia merupakan suatu ujian ataupun sebagai peringatan dan bala daripada Allah SWT.

HADIRIN YANG DIRAHMATI ALLAH SEKALIAN,

Setiap bencana yang berlaku, terdapat hikmah di sebaliknya. Oleh itu, sekurang-kurangnya terdapat tiga pengajaran penting yang boleh kita ambil sebagai pedoman dan iktibar:

Yang pertama, sebagai umat Islam, kita perlu meyakini bahawa setiap bentuk musibah atau bencana merupakan ujian dan kasih sayang Allah SWT terhadap hambanya. Kita jangan sesekali berputus asa serta menidakkan ketentuan dan ketetapan Allah SWT. Sebagaimana sabda Rasul SAW dalam mengingatkan tentang keadaan orang yang beriman apabila ditimpa musibah. Imam Muslim meriwayatkan daripada Abi Yahya Suhaib Bin Sinan r.a bahawa Rasulullah SAW bersabda:

وَعَنْ أَبِي يَحْيَىٰ صُهِيبِ بْنِ سِنَانَ رَضِيَ اللَّهُ عَنْهُ قَالَ: قَالَ رَسُولُ اللَّهِ ﷺ: عَجَبًا لِأَمْرِ الْمُؤْمِنِ إِنَّ أَمْرَهُ كُلَّهُ لَهُ خَيْرٌ، وَلَيْسَ ذَلِكَ لِأَحَدٍ إِلَّا لِلْمُؤْمِنِ، إِنْ أَصَابَتْهُ سَرَاءٌ شَكَرَ فَكَانَ خَيْرًا لَهُ، وَإِنْ أَصَابَتْهُ ضَرَاءٌ صَبَرَ فَكَانَ خَيْرًا لَهُ

Maksudnya: “Daripada Abi Yahya Bin Suhaib bin Sinan r.a. bahawa Rasulullah SAW bersabda: “Alangkah mengagumkan keadaan orang yang beriman, kerana semua (orang beriman) keadaannya (membawa) kebaikan

(untuk dirinya), dan ini hanya ada pada seorang mukmin; jika dia peroleh kesenangan dia akan bersyukur, maka itu adalah kebaikan baginya, dan jika dia ditimpa kesusahan dia akan bersabar, maka itu adalah kebaikan baginya” (Hadis Riwayat Muslim).

Yang kedua, bencana menjadi medan ujian kasih sayang kita kepada saudara kita yang ditimpa penderitaan. Imam Muslim meriwayatkan daripada Abu Hurairah r.a bahawa Rasulullah SAW bersabda:

عَنْ أَبِي هُرَيْرَةَ قَالَ: قَالَ رَسُولُ اللَّهِ ﷺ: مَنْ نَفَسَ عَنْ مُؤْمِنٍ كُرْبَةً مِنْ كُرْبِ الدُّنْيَا نَفَسَ اللَّهُ عَنْهُ كُرْبَةً مِنْ كُرْبِ يَوْمِ الْقِيَامَةِ وَمَنْ يَسَّرَ عَلَى مُعْسِرٍ يَسِّرَ اللَّهُ عَلَيْهِ فِي الدُّنْيَا وَالْآخِرَةِ وَمَنْ سَتَرَ مُسْلِمًا سَتَرَهُ اللَّهُ فِي الدُّنْيَا وَالْآخِرَةِ وَاللَّهُ فِي عَوْنِ الْعَبْدِ مَا كَانَ الْعَبْدُ فِي عَوْنِ أَخِيهِ

Mafhumnya: “Daripada Abu Hurairah r.a bahawa Rasulullah SAW bersabda: “Barang siapa yang meringankan satu kesusahan seorang mukmin, Allah akan melepaskan darinya satu kesusahan pada hari kiamat. Barang siapa yang memudahkan urusan orang lain, pasti Allah akan memudahkan untuknya di dunia dan di akhirat. Barangsiapa menutupi (aib) saudaranya sesama muslim, Allah menutupi (aib) nya di dunia dan di akhirat. Allah sentiasa menolong hamba-Nya selama hamba-Nya itu suka menolong saudaranya” (Hadis Riwayat Muslim).

Oleh itu, sebagai seorang muslim kita perlu prihatin dan membantu saudara kita yang berada dalam kesusahan. Ia merupakan *hablun minannas* iaitu usaha untuk memelihara hubungan antara manusia dengan makhluk yang lain.

Yang ketiga, bencana merupakan suatu peringatan langsung daripada Allah kepada hambanya bagi memberi peluang kepada hambanya untuk bermuhasabah dan bertaubat kepadanya. Sebagaimana firman Allah SWT:

﴿قُلْ يٰعِبَادِيَ الَّذِينَ أَسْرَفُوا عَلَىٰ أَنْفُسِهِمْ لَا تَقْنَطُوا مِن رَّحْمَةِ اللَّهِ إِنَّ اللَّهَ يَغْفِرُ الذُّنُوبَ جَمِيعًا

إِنَّهُ هُوَ الْغَفُورُ الرَّحِيمُ﴾

Maksudnya: *“Katakanlah (wahai Muhammad):” Wahai hamba-hambaku yang telah melampaui batas terhadap diri mereka sendiri (dengan perbuatan-perbuatan maksiat), janganlah kamu berputus asa dari rahmat Allah, kerana sesungguhnya Allah mengampunkan segala dosa. Sesungguhnya Dia lah jua yang Maha Pengampun, lagi Maha Mengasihani”* (Surah Al-Ankabut: 2).

SIDANG JUMAAT YANG DIRAHMATI ALLAH,

Mengakhiri khutbah pada hari ini, marilah kita menghayati rumusan khutbah berikut:

- Pertama:** Meyakini bahawa setiap kejadian atau bencana merupakan ujian dan peringatan yang berlaku atas kekuasaan Allah SWT.
- Kedua:** Mempunyai sifat belas kasihan dan prihatin terhadap mangsa bencana dan menghulurkan segala bentuk pertolongan yang termampu.
- Ketiga:** Menyedari hikmah di sebalik bencana yang menimpa dengan mengambil peluang bertaubat serta menginsafi atas segala kesalahan dan kesilapan yang dilakukan.

أَعُوذُ بِاللَّهِ مِنَ الشَّيْطَانِ الرَّجِيمِ ﴿مَا أَصَابَ مِنْ مُصِيبَةٍ فِي الْأَرْضِ وَلَا فِي أَنْفُسِكُمْ إِلَّا فِي كِتَابٍ
مِّن قَبْلُ أَنْ نَبْرَأَهَا إِنَّ ذَلِكَ عَلَى اللَّهِ يَسِيرٌ﴾

Maksudnya: “Tidak ada sesuatu kesusahan (atau bala bencana) yang ditimpakan di bumi dan tidak juga yang menimpa diri kamu, melainkan telah sedia ada di dalam kitab (pengetahuan kami) sebelum kami menjadikannya, sesungguhnya mengadakan yang demikian itu adalah mudah bagi Allah” (Surah Al-Hadid:22)

بَارَكَ اللَّهُ لِي وَلَكُمْ بِالْقُرْآنِ الْعَظِيمِ وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ وَتَقَبَّلْ
مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ
وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.

"KHUTBAH KEDUA"

الْحَمْدُ لِلَّهِ نَحْمَدُهُ وَنُسْتَعِينُهُ وَنَسْتَغْفِرُهُ وَنُؤْمِنُ بِهِ وَنَتَوَكَّلُ عَلَيْهِ وَنَعُوذُ بِاللَّهِ مِنْ شُرُورِ أَنْفُسِنَا وَمِنْ سَيِّئَاتِ أَعْمَالِنَا، مَنْ يَهْدِهِ اللَّهُ فَلَا مُضِلَّ لَهُ وَمَنْ يَضِلَّهُ فَلَا هَادِيَ لَهُ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا وَنَبِيَّنَا مُحَمَّدًا عَبْدُهُ وَرَسُولُهُ سَيِّدُ الْخَلَائِقِ وَالْبَشَرِ. اللَّهُمَّ صَلِّ وَسَلِّمْ وَبَارِكْ عَلَى سَيِّدَنَا وَنَبِيَّنَا مُحَمَّدٍ وَعَلَى آلِهِ وَصَحْبِهِ أَجْمَعِينَ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ وَكُونُوا مَعَ الصَّادِقِينَ. وَاعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرِ بَدَأَ فِيهِ بِنَفْسِهِ وَتَنَزَّلَ بِمَلَائِكَتِهِ الْمُسَبِّحَةِ بِقُدْسِهِ.

فَقَالَ اللَّهُ تَعَالَى مُخْبِرًا وَآمِرًا بِالْمُؤْمِنِينَ: ﴿إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا﴾

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ كَمَا صَلَّيْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ كَمَا بَارَكْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ إِنَّكَ حَمِيدٌ مَجِيدٌ.

وَارْضَ اللَّهُمَّ عَنِ الْأَرْبَعَةِ الْخُلَفَاءِ الرَّاشِدِينَ سَادَاتِنَا أَبِي بَكْرٍ وَعُمَرُ وَعُثْمَانُ وَعَلِيٌّ، وَعَنْ أَزْوَاجِ

نَبِيَّنَا الْمُطَهَّرَاتِ وَعَنْ أَهْلِ بَيْتِهِ وَقَرَابَتِهِ وَسَائِرِ الصَّحَابَةِ وَالتَّابِعِينَ وَمَنْ تَبِعَهُمْ بِإِحْسَانٍ إِلَى يَوْمِ
الدِّينِ. وَارْضَ عَنَّا بِرَحْمَتِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ، الْأَمْوَاتِ.
اللَّهُمَّ أَيْدِ بَدَاوَامِ التَّوْفِيقِ وَالْهُدَايَةِ وَالصَّحَّةِ وَالسَّلَامَةِ مَلِكِنَا كِبَاوَهُ دَوْلِي يَغْ مَهَا مَوْلِيَا سِرِي
قَادُوكْ بَكِينِدَا يَغْ دَقَرْتَوَانِ اَكُوغْ، السُّلْطَانِ عَبْدُ اللَّهِ رِعَايَةُ الدِّينِ الْمُصْطَفَى بِاللَّهِ شَاهِ ابْنِ
الْمَرْحُومِ سُلْطَانِ حَاجِ أَحْمَدِ شَاهِ الْمُسْتَعِينِ بِاللَّهِ.

وكذلك كباوه دولي ي غ مها موليا سري قادوك ب كيندا راج قرمىسوري اكوغ، تونكو
(Tunku) حَاجَةُ عَزِيزَةِ أَمِينَةٍ مَيْمُونَةٍ إِسْكَندَرِيَّةِ بِنْتِ الْمَرْحُومِ الْمُتَوَكِّلِ عَلَى اللَّهِ سُلْطَانِ إِسْكَندَرِ
الْحَاجِ.

اللَّهُمَّ اجْعَلْ مَالِيزِيَا وَسَائِرَ بِلَادِ الْمُسْلِمِينَ طَيِّبَةً آمِنَةً مُطْمَئِنَّةً رَخِيَّةً. اللَّهُمَّ سَلِّمْ بِلَادِنَا مِنْ
الْمُفْسِدِينَ، وَطَهِّرْهَا مِنَ الْمُتَطَرِّفِينَ، وَوَفِّقْنَا جَمِيعًا لِبَطَاعَتِكَ وَطَاعَةِ رَسُولِكَ مُحَمَّدٍ صَلَّى اللَّهُ عَلَيْهِ
وَسَلَّمَ وَطَاعَةِ مَنْ أَمَرْتَنَا بِطَاعَتِهِ.

Ya Allah Ya Tuhan Kami. Kami memohon agar dengan rahmat dan perlindungan-Mu, negara kami ini dan seluruh rakyatnya dikekalkan dalam keamanan dan kesejahteraan. Tanamkanlah rasa kasih sayang di antara kami, kekalkanlah perpaduan di kalangan kami. Semoga dengannya kami sentiasa hidup aman damai, makmur dan selamat sepanjang zaman.

﴿رَبَّنَا لَا تُزِغْ قُلُوبَنَا بَعْدَ إِذْ هَدَيْتَنَا وَهَبْ لَنَا مِنْ لَدُنْكَ رَحْمَةً إِنَّكَ أَنْتَ الْوَهَّابُ﴾

﴿رَبَّنَا ءَاتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ﴾

عِبَادَ اللَّهِ، ﴿إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ

وَالْبَغْيِ يَعِظُكُم لَعَلَّكُمْ تَذَكَّرُونَ﴾

فَاذْكُرُوا اللَّهَ الْعَظِيمَ يَذْكُرْكُمْ، وَاشْكُرُوهُ عَلَىٰ نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ، وَلَذِكْرُ اللَّهِ

أَكْبَرُ. وَاللَّهُ يَعْلَمُ مَا تَصْنَعُونَ.

Teks khutbah disediakan oleh:

International Fatwa and Halal Centre (iFFAH)
Universiti Sains Islam Malaysia